



Pou Piblikasyon Imedya: 15/11/2018

GOUVÈNÈ ANDREW M. CUOMO

## GOUVÈNÈ CUOMO MANDE PRAN PREKOSYON PANDAN GWO TANPÈT NÈJ YO AP APWOCHE SOU NEW YORK

*Yo Te Prevwa Kat a Ywit Pous Nèj pou Laplipa Zòn ki nan Rejyon Nò New York*

*Kondisyon Nèje ak Glasyal yo Pral Kreye Kondisyon Ki Difisil pou Moun Kondwi yo Pandan Vwayaj Jedi Swa ak Vandredi Maten yo*

Gouvènè Andrew M. Cuomo te egzòte moun New York yo jodi a pou prepare pou metewo frèt ak vyolan ki pral ap deplase toupatou nan eta a kòmanse apati Jedi epi fini nan Vandredi aprèmidi. Sistèm tanpèt lan ki ap deplase sou tout Bò Lès lan ta ka pote akimilasyon kat a ywit pous nèj ak pi gwo akimilasyon yo nan rejyon sid Adirondacks. Moun New York yo ta dwe atann yo a wè kondisyon metewo ki gen nèj ki fonn epi glasyal pandan vwayaj Jedi swa ak Vandredi maten yo. Yo ap egzòte chofè yo pou yo vwayaje ak ekstrèm prekosyon pliske sistèm nan gen potansyèl pou kreye kondisyon wout ki difisil yo.

“Metewo ivènal antisipe yo ap deplase atravè eta a semèn sa a epi mwen egzòte moun New York yo pou yo prepare epi pran prekosyon lè yo ap kondwi akòz vizibilite ki redwi ak glas nwa ki posib yo”, **Gouvènè Cuomo te deklare.** “Nou ap siveye sistèm metewo sa yo epi nou rete pare pou asiste patnè lokal nou yo jan sa nesèsè.”

Kòmanse apati Jedi aprèmidi, tout konte nan nò Vil New York yo pral anba swa yon alèt oswa avètisman pou metewo ivènal. Yo prevwa nèj ki ap tonbe yo ap totalize ywit a kat pous nan laplipa zòn nan Rejyon Lwès New York, Finger Lakes, New York Santral, Southern Tier, Mohawk Valley, ak Rejyon Kapital. Nan rejyon North Country ak Mid-Hudson yo, yo prevwa de a senk pous nèj ak posibilite pou gen sis a nèf pous nan pi gwo elevasyon yo. Previzyon an prevwa tou pou gen youn a de pous nèj, ansanm ak nèj ki fonn ak ti lapli, nan rejyon Vil New York ak Long Island yo. Finalman, yon avètisman pou inondasyon kotyè pral an vigè ant 1 a.m. a 5 a.m. Vandredi maten pou bè rivaj sid yo nan konte Queens, Nassau ak Suffolk.

Pou kapab jwenn yon lis konplè sou alèt, avètisman, konsèy ak dènye previzyon metewo yo, vizite [sit entènèt](#) Sèvis Metewo Nasyonal la (National Weather Service).

### **Vwayaje ansekirite**

Men kèk nan konsèy ki pi enpòtan yo pou woule ansekirite:

- Lè tanpèt ivè yo rive, pa woule si li pa vrèman nesèsè.
- Pran prekosyon sou pon yo poutèt glas kapab fòme la pi vit pase sou wout yo.
- Fèy mouye yo sou wout yo kapab lakòz atè a glise, sa ki fè li enpòtan pou kondui pi dousman lè w ap pwoche kote ki kouvri ak fèy yo.
- Si ou dwe vwayaje, asire w ke otomobil ou gen materyèl pou siviv tankou lenn, yon pèl, flash ak pil anplis, rad cho anplis, yon pè chèn pou kawotchou, kab boustè pou batri, manje ki bay enèji rapid ak rad ki gen koulè klere pou sèvi kòm drapo detrès.
- Pa eseye kondi sou wout ki inonde – vire tounen epi ale nan yon lòt direksyon. Dlo k ap kouri ak yon vitès 3.2 kilomèt pa èdtan ka pote ale machin ki sou wout oswa sou pon.
- Siveye zòn kote rivyè oswa kouran dlo ka monte toudenkou epi kreye inondasyon, tankou kote otowout la anpant, pon, ak zòn ki ba.
- Si ou nan yon machin epi dlo a kòmanse monte rapid bò kote ou, abandone machin lan imedyatman.

Anplis de sa, prensipal kòz lanmò ak blesi pandan tanpèt ivè se aksidan transpò. Anvan w chita dèyè volan, pa bliye retire glas ak lanèj ki sou machin ou an; bon vizyon se sekre kondui byen. Planifye pou w kanpe epi kite plis distans ant machin yo, rete plis an eta dalèt epi sonje konjè yo ka rann li difisil pou wè timoun piti yo. Anplis, toujou akòde vitès ou ak kondisyon wout la epi tan.

Li enpòtan pou chofè machin yo sou tout wout konnen vitès chas-nèj yo se 56 kilomèt alè, sa ki nan anpil ka pi ba pase limit vitès ki make a, pou yo ka garanti sèl yo simen an rete nan vwa sikilasyon yo epi pa dispèse andeyò wout yo. Anpilfwa sou otowout ant eta yo, chas-nèj yo opere kòtakòt, kòm se fason pi efikas epi ki ofri plis garanti pou netwaye plizyè vwa yon sèl kou.

Chofè machin ak pyeton dwe sonje chofè chas-nèj yo ka wè devan yo sou yon distans limite, epi gwosè ak pwa chas-nèj yo ka fè l difisil pou manevre epi frennen touswit. Nèj chas-nèj la ap soufle dèyè li ka diminye vizibilite anpil oubyen kreye yon vwal blan. Chofè machin yo pa ta dwe eseye double chas-nèj yo, ni swiv yo twò pre. Kote ki gen plis sekirite pou chofè machin yo woule se lwen dèyè chas-nèj yo, kote wout la klè epi gen sèl sou li.

### **Preparasyon Ajans**

Depatman Transpò (Department of Transportation) Eta a te pote repons pou tanpèt yo ak prèske 1,500 gwo kamyon baskil, 175 chas-nèj mwayen ak plizyè santèn lòt pyès ekipman, ki gen pami yo aparèy pou soufle nèj, ti kamyon chas-nèj, chajè ak aparèy pou bay nivo yo. Ekipman sa a, ansanm avèk plis pase 3,500 operatè ak sipèvizè, deplwaye toupatou nan eta a lè sa nesèsè anvan tanpèt ivè pou ede kenbe wout yo san danje.

N ap raple otomobilis yo pou yo gade 511NY anvan yo deplase nan [www.511NY.org](http://www.511NY.org) oswa pou yo telechaje aplikasyon mobil la. Sèvis gratis la pèmèt itilizatè yo verifye kondisyon wout yo epi li gen yon sistèm alèt pou deplasman pandan ivè a ki gen rapò an tan reyèl pou vwayajè ak yon kat avèk kòd koulè ki endike ki wout nan eta a ki lib,

mouye oswa kouvri avèk lanèj. Sistèm nan ofri otomobilis yo yon resous itil pou detèmine si se yon bon lide pou deplase.

Otorite Thruway a (Thruway Authority) gen plis pase 632 sipèvizè ak operatè ki prè pou deplwaye 240 gwo chas nèj, 123 chas nèj mwayen ak 10 charyo remòkè ak 53 chajè toupatou atravè eta a ak plis pase 124,000 tòn sèl pou wout yo ki disponib sou plas. Yo itilize Pano pou Mesaj Varyab (Variable Message Signs), Anons Radyo sou Otowout la (Highway Advisory Radio) ak rezo sosyal yo pou avèti otomobilis yo sou kondisyon move tan pandan yo sou otowout Thruway yo. Otorite Thruway la ap ankouraje otomobilis tou pou yo telechaje [aplikasyon mobil](#) li an ki disponib gratis sou aparèy iPhone ak Android yo. Aplikasyon an bay otomobilis yo enfòmasyon sou sikilasyon an nan tan reyèl, ansanm avèk asistans navigasyon pandan yo sou wout. Otomobilis yo ka enskri tou pou yo resevwa imèl [TRANSalert](#) k ap bay dènye enfòmasyon sou kondisyon sikilasyon sou Thruway a [isit la](#).

###

W'ap jwenn lòt nouvèl ki disponib sou sitwèb [www.governor.ny.gov](http://www.governor.ny.gov)  
Eta New York | Chanm Ekzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)